

Construción de edificios

Datos correspondentes a febreiro de 2026

Resumo de resultados 29/05/2026

Principais resultados

- En febreiro concedéronse licenzas para construír 168 edificacións de nova planta (residenciais e non residenciais).
- O número de licenzas concedidas para rehabilitación de edificios foi de 171, e para demolición 13.
- A variación neta do parque de vivendas¹ no mes de febreiro foi de 298.

1 Licenzas para edificios

No mes de febreiro de 2026, o número de licenzas para edificios a construír de nova planta diminuíu en 18 unidades en relación ao mesmo mes do ano anterior. Concedéronse 168 licenzas para edificacións de nova planta: 107 residenciais e 61 non residenciais.

Sobre edificacións xa existentes, en febreiro de 2026 concedéronse licenzas para 171 obras de rehabilitación e 13 para obras de demolición de edificios, o que supón, en relación a febreiro de 2025, un aumento de 14 unidades e unha diminución de 3 unidades, respectivamente.

2 Vivendas

As licenzas concedidas en febreiro de 2026 permitirán crear 204 vivendas en nova planta, o que supón unha diminución de 214 unidades en relación ao rexistrado hai un ano.

O número de vivendas que se permitirían crear en rehabilitación sería de 104 e as vivendas a demoler serían 10.


A variación neta do parque de vivendas este mes sería, por tanto, positiva, 298 novas vivendas coas licenzas concedidas.

¹variación neta do parque de vivendas calcúlase como a suma do número de vivendas a crear en nova planta e o de vivendas a crear en rehabilitación, menos o número de demolicións.

Número de edificios e vivendas a construír, rehabilitar e demoler. Galicia

	Edificios			Vivendas		
	De nova planta	A rehabilitar	A demoler	De nova planta	A crear en rehabilitación	A demoler
2025/Febrero	186	157	16	418	67	7
2025/Marzo	161	154	17	261	79	17
2025/Abril	205	187	25	622	91	26
2025/Maio	185	159	18	275	78	11
2025/Xuño	225	167	28	420	98	25
2025/Xullo	204	183	19	337	107	7
2025/Agosto	149	132	18	385	81	27
2025/Setembro	188	171	22	239	75	17
2025/Outubro	187	185	48	360	104	28
2025/Novembro	193	139	22	565	100	14
2025/Decembro	186	135	22	281	67	12
2026/Xaneiro	127	136	52	374	66	26
2026/Febrero	168	171	13	204	104	10

Fonte: IGE. Construción de Edificios ([descarga da táboa](#))

Gráfico coa evolución da variación neta do parque de vivendas


Fonte: IGE.Construción de Edificios ([descarga da táboa](#))

3 Notas metodolóxicas

A operación estatística **Construción de edificios** ofrece información sobre as licenzas de obra maior que conceden os concellos de Galicia. O colectivo de informantes constitúeo o conxunto dos promotores inmobiliarios e/ou técnicos colexiados que asinan os proxectos de edificación.

A estatística ofrece información sobre o número de edificacións de **nova planta** a construír (con distinción de se se trata de edificios residencias ou non residencias), **a rehabilitar** e **a demoler**. Tamén informa sobre as vivendas de nova planta ás que darán lugar as novas edificacións, o número de vivendas creadas en rehabilitación e a demoler, así como da variación neta do parque de vivendas.

4 Metodoloxía, definicións, fontes e máis información

Metodoloxía

- [Metodoloxía](#)

Definicións

- [Definicións](#)

Descarga de datos

- [Número de edificios e superficie a construír. Galicia. Datos mensuais](#)

Fontes de información

IGE. Construción de Edificios.